

處
實
堂
集

處實堂集卷之四

長洲張鳳翼伯起撰

四言詩

懷椿培萱各一章章八句爲余司理明復作

喬喬者椿厥期八千胡若朝華弗永厥年
衰衰者子旣實而俯風枝不寧零淚如雨

曄曄靈媛媚彼北堂胡色弗令胡憂弗忘旣敷旣榮
昊蒼所篤蔭厥孫枝受茲介福

五言絕句

竹

日引丹山鳳雲歸葛水龍若將清廟用還擬協黃鍾

題映蝶花上映蝶

蝶解傳花鬼花能引蝶來蝶疑雙宿影花作並頭開

泗州道中

去家日以遠思親日以切不盡望雲心徘徊對霜月

杏花

上苑春如海江頭綠未齊一枝紅獨綻不是武陵溪

失去仲氏戲具以詩償之

大隱元同隱佯狂不是狂謝玄自絕俗何必紫羅囊

春禽

春禽鳴春枝春聲入春館春館愁春歸春魂向春斷

奉新別業三首

邀笛閣

飛閣凌浮雲俯視清淮下迴車據胡牀應有桓叔夏

江浦垂綸

自得垂綸意不在吞舟魚釣侶日相狎安知魚腹書

橫厓小隱

不待淮南招何異金門直聞道新林浦玄亭駐山色

題紅桃碧桃扇景

臨風紅褪臉和露粉成妝濃淡君休訝盈盈各斷腸

蘭

風紉清秋佩琴傳空谷音忘言香在室卽此是同心

京口與仲氏言別

昨日錫山道今朝鐵甕城醉來分手易別酒不辭傾

題畫大魚

鼓鬣欲安投龍門合見收網羅應不漏何事有吞舟

壽母詞

草色信忘憂人年自難老何處報遐齡纖雲度青鳥

題楊妃病齒圖

臉含病齒態眉是捧心顰若說傾人國前身與後身

偶作

夭桃隔牆開春色
墻頭上不是有情人
臨風莫惆悵

自述三首

命蹇政成拙
棲深谷是愚
寧饑無食草
君不見騶虞
藜藿安生計
蜉蝣等物情
市門欲賣卜
世已棄君平
林香從風來
山醪似泉涌
雖無千頭橘
亦是列侯奉
賦得杏花春
放馬

走馬踏香泥
遊蜂逐馬蹄
從知曲江路
不作武陵迷
朱家小婦詞
四絕

妾本嫁王昌
誤爲廝養婦
誰謂洛陽花
不作章臺柳

覆水亦可收落花重上枝去婦入門來垂首低娥眉
朝從東家食暮向西家宿拋却楚襄王還來憐宋玉
紫燕何翩翩尋巢憶故年債緣應未斷破鏡亦須圓
寒潭

大夢有真覺達觀非世情寒潭不盈掬亦可濯塵纓

題山茶

昔開歲將暮今開春已深多應艷桃李拋擲歲寒心

懷古

來往四五國顛危十九春知從重耳者不是貳心人

蟬

抱葉微沾露臨風響過雲偶然鳴木末非欲使人聞

題禪榻

幼安隱北海仲舉下南州此日供趺坐翻經貝葉留

寄問

放舸月初上飛觴酒不空不知今夜賞清勝與誰同

竹枝詞二首

妾從湘江歸君向湘江宿欲識淚痕多請看湘江竹
竹外啼清猿竹中臥乳虎不見蒼梧雲但聞瀟湘雨

答憲使金公孟陽四首

數馬類萬石懸車如二疏不種邵平瓜惟著虞卿書

朝採南山薇暮學桐江釣誰云千載人清輝亦相照
五穀入秦日公孫仕漢年何如掩關者獨草子雲玄
六龍幸辟雍三老遺農圃千載嗤桓榮徒然侈稽古
六言絕句

答王百穀論書

八法右軍筆陣千秋長史家風羨爾籠鵞而去媿我臨池
未工

禪機

那能持齋禮佛不須受戒參禪欲識六根清淨無如池上
青蓮

玄機

十洲不在物外九轉豈必爐邊何須乘鸞簫史自有跨鶴
神仙

自遣三首

大隱敢期曼倩倦遊頗似相如雖無良田負郭幸有先人
敝廬

張儀雖存三寸潘岳何止二毛試看半庭槐影且傾一甕
松醪

方寸可容萬卷一編何必三餘早知窮達有命悔不十年
讀書

七言絕句

虎丘送黃淳父之金陵

西去金陵計日還，若爲相送濕青衫。
極天紅葉秋雲裡，海湧山前曉掛帆。

賦得靈巖月

靈巖山月一輪斜，曾伴蛾眉進紫霞。
碧海青天幾圓缺，只今猶照故宮花。

謝盛仲交畫竹見寄

憐君點筆寄滄洲，烟雨蕭蕭一紙秋。
何日常攜葛陂杖，御風還作秣陵遊。

題桃源圖後

咸陽烽火已千春
不道人間不是秦
流水桃花應自在
只今誰復問迷津

再至胥口

波搖落日衆山開
又是春風放舸來
湖畔桃花猶滿樹
却憐歌扇不重迴

寒夜與子行懋信德先小酌別去

夜入郊墟玉漏殘
芳尊不駐故人懽
霜華三徑歸舟急
烟月半輪皇樹寒

杏花春燕

空庭三月杏花開
花外偏憐紫燕來
盡日繞梁飛不去
幾時能向曲江迴

送幼干弟尹山讀書

爲尋幽僻向空門
萬卷還同貝葉翻
拂劍遙憐鴻鴈侶
月明須上鶴鵲原

送王昭叔赴江右校書之辟

官亭祖席悵離津
相府飛書辟隱淪
不用掃門如魏勃
已知辨寃屬王筠

春夜聽南海梁思伯彈琴

春深無奈客愁深
夜過蕭齋鼓綠琴
一曲梅花嶺頭月
土

風應不忘南音

題明皇春遊圖

寶轡絲韁倚玉環
君王勒馬眷紅顏
不知仙仗乘春處
何得胡兒指顧間

七夕

微茫霄漢三星遠
寂寞園廬七夕過
羨殺鵲橋牛女度
更無風浪起天河

送客歸楚應試

千里鄉雲片席開
春風先發渡江梅
此行楚國應收壁
聞道燕山已築臺

閨怨

誰邊黃鳥驚殘夢何處紫駟嘶落花腸斷不知綠底事兩
行清淚入琵琶

贈烏程荆明府

十洲仙客駕仙鳬捧檄來過碧浪湖一曲清琴頌聲作公
庭雲白似冰壺

學書

學書當遣筆成塚洗硯應教墨作池三昧只須求五合個
中那得外人知

送盧丈赴任義烏

長才好惜鳳皇毛短簿寧辭案牘勞把酒還邀石門月直
疑仙吏是盧敖

七姬墓

洞房行雨復行雲閨闔城頭楚漢分夫自約降身自死貞
魂不解怨將軍

王中丞昭雪六首爲元美敬美賦

春回亦有叩閭年孝子陳情聖主憐若問蓼莪詩廢後
不知誰復敢籌邊

當日天王本聖明世人自欲壞長城泉臺若聽宣恩詔
直作簫韶引鳳鳴

王陽一別忽經春
聞道封章入紫宸
千里陽和回孝子
十年心事雪孤臣

朝持哀䟽叩彤墀
夕降天書下鳳池
身後解頤蒿里鬼
道傍拭淚峴山碑

督戎已死丹書在
李廣難封白骨枯
共說周王新雨露
春風先已報三吳

淚盡秦庭血滿衣
天迴淑氣報芳菲
當年愁聽華亭鶴
今日還歸丁令威

金陵烟月歌

烟月金陵擁畫圖
百錢取酒醉當壚
片帆東下西風急
一

帶青山望欲無

題畫贈同年朱正伯

遙憐芳草憶王孫
建業風烟杜若村
南望鳳城知豹隱
相思何異鶴鵲原

題歐任伯苜蓿齋

廣陵寄跡廣文官
鴻鵠偏於鷄息安
不是嘉謀慙肉食
獨教苜蓿薦春盤

送蔣將軍督運北上

旌旗遙拂渡江烟
千里關河直北天
聞道防秋重邊餉
看君勲業在樓船

解嘲七絕

伏櫪空憐志未酬
翻從駑馬一時收
寥寥江左知誰健
溫嶠元非第二流

莫問秦聲與越聲
若爲趙壁自連城
須知元叔非佳物
何必羊卿好託名

歛跡懶隨尼父驥
翻身猶混葉公龍
牀頭一任千將老
羞與時人比劒鋒

休輕僖父作三都
明月常懸照乘珠
身未闔棺名未定
馬牛一任世人呼

名微無意借游揚
閉戶慚登結客場
信道聲華身外物
誰

傳市上有韓康

聞說逢年勝力田喜無名字在王前積薪不恨時情薄千載何人識太玄

月旦何勞獨見伸人言猶謂白頭新是非莫懼桓元子未必孫經繼絕麟

題罷釣圖

輕鷗飛鷺漫沉浮未晚停橈紅蓼洲明月滿船君莫笑有風波處不垂鈎

有所思

蕙帳風生短夢回枕屏香冷曙光催遙憐海縣人長往不

及寒潮去復來

感雪

雨雪霏霏道路長
海天烟樹正微茫
從知馬鬣飛三白
不是羊車下七香

胥江感舊

憶昔猖狂江上樓
東風三月柳輕柔
如今秋老春情薄
漠漠寒江水自流

讀樊川集

驚心明月夜
溪船回首春風曉
寺烟一夢揚州雙鬢雪
倚牀閑讀杜樊川

冬夜袁魯望醉投韓姬不值戲之

朔風動地夜漫漫浪說軍中有一韓燭滅羅衣元不解由
來僵臥是袁安

唁公瑕悼亡

無端釵折鳳皇分我亦愁君况復君不識影蛾池上客幾
時還作夢中雲

送王姝禮大茅峯

獨尋仙嶠問三生一縷心香豈世情試展霓裳供法曲應
教妬殺董雙成

戲代喬娃寄謝將軍

陽春一曲理金徽彷彿風前玉樹輝漫說使君能緩帶小
蠻亦自減腰圍

春夜金閨志別

春潮來日盡船東酒半歌殘玉樹空無那夜深橋上別大
家回首月明中

宮詞三首

荷香十里柳三眠長日深宮類小年一自羊車經過後幾
回脉脉曲闌前

承恩無路學當熊雙倚雲鬟數落紅總是蓮心各含苦不
知團扇怨秋風

寶扇齊開雲錦屏
珠簾朝捲牡丹亭
傳宣都放春遊去
一簇紅妝兢踏青

戲簡顧孝廉名甫

誰教雙淚落君前
野寺鶯花日暮天
送別只疑舟似箭
憑闌驚見月如絃

賦得賽玉贈王姬二首

素質盈盈迥絕塵
嫣然一笑座生春
不知和氏連城璧
何似陽臺入夢人

翠黛輕籠罷晚妝
一枝嬌艷掩流光
漫誇白璧稱無價
不及溫柔別有鄉

竹枝詞六首

何處重門似海深
石梁纖月夜沉沉
從知動地笙歌沸
不是鈞天夢裡音

三殿栽栽切太虛
五樓雲合閼仙居
西池已隔人間世
青鳥何緣得致書

碧砌華滋露蕊紅
倚闌嬌小怯春風
若爲黛筆成虛擲
自掃蛾眉玉鏡中

婀娜芳姿始破瓜
先憐宋玉在東家
凝粧獨上紅樓望
日暮不禁風柳斜

風飄一陣芰荷香
道是郎來却問郎
半醉出門天未曉
館

娃宮裡月如霜

半酣雙眼已模糊更有牀頭酒一壺
夜臥不須搔背癢
蔡經何事憶麻姑

題沈道禎畫四首

山學香爐紫氣浮溪當瀑布散春流
依依柳色青如許不帶人間送別愁

巖壑灌木畫陰陰獨上崇岡携綠琴
理罷冰絃不成曲由來山水待知音

清溪十里好方舟仰聽松篁俯碧流
何必西風憶鱸膾眼前秋色在滄洲

雪霽巖扉一徑開
幽人支策立平臺
若非湖上尋梅去
應是山陰訪戴回

題桂下秋海棠

香分藜桂露華涼
碧砌幽姿亦傲霜
顏色漫誇春睡足
秋容元自占年芳

題紫薇菊花

紫薇仙省杳難攀
籬落茱萸自破顏
秋色滿庭君莫問
眼前天上與人間

題陸叔平畫

飄零心事十年違
却憶湖頭有釣磯
一帶秋山照楓樹
個

中先著陸探微

席上贈別得遷字

出谷新鶯喜乍遷
輕黃初着媚羅筵
明朝奈可江頭別
不是情人亦黯然

送客之江北

謁客先將給事書
不須次舍嘆無魚
乘秋若覽揚州勝
但問瓊花可似初

九月八日風雨

一經砭砭守蒹葭
風雨西窗九日催
自喜打門無吏至
不須送酒有人來

送閩中王山人之溧陽

溧陽西去一帆秋
閩客探親亦勝遊
義女祠前好回首
東南烟月是長洲

寄遠

商歌一曲冠離筵
張緒風流似昔年
桃葉渡頭楊柳色
依依春思秣陵烟

題天宮寺僧房

鴈堂寂寂法雲空
庭柏森森僧臘同
漫說吾廬不相遠
恍然物外與寰中

蛙聲

徹夜蛙聲攪夢鄉一番膏雨過池塘野人自得林泉樂不
用遨遊謁子陽

支枕

自憐短髮欲蕭疎支枕長林讀道書一榻綠陰清晝永夢
迴身亦在華胥

送郭次甫還山

碧眼蒼髯折角巾自傾濁酒得天真相逢忽復青山去日
落江干愁送人

錢塘歌姬倚病走筆贈之

盈盈白練絕纖塵不待嬌歌滿座春莫訝病容顰翠黛越

來元是捧心人

懷顧懋中

草封三徑卽山家
靜掩柴門駐物華
期客不來清晝永
滿庭踈雨落桐花

題犬

玉勒追隨子夜風
金鈴搖尾吠梧桐
明朝較獵長楊館
萬騎叢中第一功

題天池石壁贈馬山人

吳市藏名守故籬
杏花深處白雲期
朝來洗藥青山去
直把天池作上池

伏雌

晝掩荆扉仗屨屨千時安用五羊皮園蔬自足供佳客羸
得庭中有伏雌

九月望同顧懋中諸君過王玄靜山庄坐行春橋看
月四首

輕舟拉客漾新波風雨吳城九日過但向蘭陵賒美酒爲
君橋上問姮娥

紅日西沉紫翠間畫船簫鼓不知還一輪明鏡初開匣數
點蒼山齊破顏

千尺飛梁四望通十年清賞一宵同常懸玉鏡湖山月不

亂金波禾黍風

鷓鴣木杓鷓鴣裘張翰鱸魚范蠡舟但向湖頭醉明月清輝應不讓中秋

掃墓二首

丹霞一曲瑣松關華表千年鶴未還不盡烏啼白楊樹年年含淚掃空山

雲從山後護松楸水到山前咽不流薦食依然舊三鼎無煩風木喚新愁

夢劉姬以首飾爲行裝乞予賦之

江頭正欲買孤航裙帶羞探五色囊釵釧暫爲行李計明

朝客路不須粧

荏平曉發

牀頭燈火旅魂驚顛倒衣裳促曉行
霜月驅馳三十里纔聞茅店有雞聲

題顧懋中小像

參天古柏勢昂然驚世文章五十年
海上莫嫌曾牧豕卽看持此入凌烟

安陵道中顧懋材遺杏花一枝

曲江回首作天涯河畔逢君贈一枝
果是春深花更好東風消息莫嫌遲

因沈君典過小園懷其伯兄宗文

憶昨追隨秘密關青山班笈一談玄今朝難弟欣相顧屈指秋風十七年

題畫贈秋巖和尚

秋風大地掃枯塵木落看山面目真莫怪蒲團趺老衲空亭依舊是無人

病瘍

堦前秋卉朝凝露簷際水沉烟作雲總是病瘍經信宿腰圍不似沈休文

園居漫興

烟雨池塘接暮秋
閑雲落葉自沉浮
素封何必千頭橘
已是人間萬戶侯

觀魚

金鱗澈澈自相忘
紫袋腰懸何者郎
洗硯臨池摹襖帖
小齋直作戲魚堂

紹卿枉過忽去感而有作

下榻虛期信宿同
迴車倏忽御冷風
令人千載慚樓護
不得通宵養呂公

禮大茅峯風雨阻懷山樓二首

朝來識面是嵐容
倏忽山樓失近峯
莫笑雨中巾折角
春

雷欲起二茅龍

華陽洞口擁神宮
白晝陰霾暝色同
謾說山中無宰相
誰令盡日聽松風

沈宗文和寄再疊前韻

空園寂歷掩蘿關
機事都忘付草玄
却爲故人相寄問
一緘三復感流年

追和高陽帖中韻五首

鹿覆芭蕉竟何有
身成胡蝶亦難明
應從覺後方知夢
多少人問物外情

夫容臉際凝紅暈
雲雨眉端掃翠尖
莫怪鉛華渾不御
一

分難減亦難添

夢斷巫陽祇自驚願同巢鶴自投翎從知出得迷川路石
榻常翻般若經

一為遷客座中紅解脫樊籠便不同自此花開與花落不
須重恨五更風

債緣蟬蛻出風塵回首紅樓不是春却笑章臺舊楊柳青
青猶自送行人

除夕悼亡弟叔貽

年年柏酒共傳觴此夕園廬欲斷腸人別已無芳草夢不
須春色到池塘

房山集卷之四
與馮化之少叅集湯應之給諫宅觀燈

春聲襍遯促飛觴此夕歡
棕倚夕郎未許華燈欺翰墨
由來作賦屬馮商

與化之言別

十年山水憶知音
宿燈前悵別深
我向長干君入楚
片帆江上各懸心

過亡弟園居

晝掩空樓客到稀
小山花事自芳菲
絕憐梁燕驚無主
別向華堂試舞衣

房村阻風托宿姜莊二孝廉舟

拍天風浪下房村仙侶同舟倒綠尊敢謂山濤譏石鑒須
知祖逖誓劉琨

梅

江梅如雪照南樓十里寒香滿鏡愁一自樓頭人別去更
無清夢到羅浮

題楓林散步園

蕭森秋氣入郊墟楓葉經霜夕照餘散步漁梁無一事不
同行役坐停車

贈悟西上人

方寸菩提別有天雲開秋水出青蓮只今已悟西來意何

用重來不二禪

蘭

漢臺楚縣總消沉
一曲離憂寄綠琴
獨自芬芳在空谷
不知誰復是同心

下第五首

十年鼓瑟罕知音
千里羈愁此夜深
腸斷驅車人已下
高堂猶自晒泥金

說劍籌邊志未伸
脩然野服出風塵
非關清世容真隱
自是名山待主人

捧檄娛親願已違
歸途却喜片帆飛
人生只合江南老
何

必簪纓易綵衣

已知生計曳泥塗
四上都門總向隅
回首北辰高帝座
客星依舊在江湖

吳市南頭有敝廬
肯從歸路泣遺珠
計程到日饒櫻筍
何待秋風憶鱸膾

舟中夢境殊惡

如來未到維摩詰
磨障應多費長房
掃石何時學趺坐
塵緣消盡一爐香

謁黃石公祠二絕

徂擊雄心誤副車
六韜神授散金餘
不知破項成劉後
千

載誰傳黃石書

父怨君讎五世餘功成不負報韓初須知一卷黃公略應
是忠臣孝子書

過許墅

落盡江花減盡春樊籠纔逸不羈身布衣正欲羞關吏却
喜家山是故人

曉起聞鳥聲

百鳥林中相和鳴池頭曙色漸分明野人不作釣天夢別
有簫韶奏九成

采蓮曲

江謳一闋采蓮歸花滿船頭香滿衣明月帶香花畔宿不
須顏色奉羅幃

夜坐小述答杳鳴重

洗花却喜雨翻盆看竹曾無客到門夜合正開香在室自
燒殘燭坐黃昏

予杜門養病非以遠交知也而應門者槩焉辭客悵
而自解

應門五尺懶逢迎委徑柴扉盡亦徇客至謾勞題字去已
知凡鳥不飛鳴

題蕉池積雪

昔人曾寫蕉池雪此日重看雪裡蕉十載燕山三冒雪卽
今覆鹿意全消

爲仲氏題夢筆生花園

年來無夢入京華才盡文通敢漫誇但得池頭重賦草不
須筆上更開花

謝用霖見寄絕句走筆和答

野鷗寧入鳳皇羣天許閑身侶白雲莫謂清朝有遺逸本
來無策似劉蕡

詠瓜

姤五空占止復行自天消息竟寒盟如今不納田中履一

任青門老邵平

枇杷朱鳥

漫說枇杷出漢宮
如今植向小園東
誰邊好鳥枝頭立
醉眼疑添一點紅

明妃曲

少小蛾眉選入宮
許身已自付當熊
和親亦莫非王事
錯把琵琶怨畫工

寄文休承丈於歸來堂二絕

歸然綵筆擅詞場
教授歸來舊草堂
江左藝林堪屈指
只今誰是魯靈光

芸堂歸臥絕羈塵况有相輝玉樹新莫怪向來無字問慚
予亦作杜門人

七夕無題二首和叔貽作

片雲何意失陽臺耳畔新聲夢裡來快殺橋邊渡牛女黃
頭依舊棹船回

漫言今夕不成章未許纖雲掩七襄青鳥自能尋漢主前
魚何用泣龍陽

黃公補公紹乃黎職方惟敬甥也丁丑之役公紹教
諭山陰不得與公補俱歸亦不得與惟敬同留京
師爲賦二絕

黃童何必號無雙
難弟難兄自鴈行
此日會稽開講席
幾回使嶺夢元方

執戟先疲司馬郎
孝廉又北鬪雞場
賢甥似舅忽成別
直把山陰作渭陽

贈傅成之

鴻都才子羊城客
十載明經數亦奇
此日一官懸墨綬
卽看稱說傅修期

休承作墨梅叔寶補隔牆枝戲題

教授能傳枝上雪
山人解點隔牆風
何須風雪偏庾嶺
自是清溫臭味同

九峯

雲際峯嵐映戶開芙蓉秀色逼人來
若非三泖參差見卽是橫塘窈窕迴

題唐叔美飲馬圖

百戰空疲千里姿悲嘶猶自逐圉師
春風日飲長城窟那得人間伯樂知

夢渡江

瓜洲烟樹鐵城船江往潮來二十年
此夜驚魂緣夢境番身却喜竹中眠

曉睡

夜爐宿火曉凝烟夢裡風波醒隔年不是清朝有遺佚
君恩特賜日高眠

薔薇

春到中庭散綵霞一屏紅紫半欹斜只留安石携雲月莫
問東山幾度花

對鏡

少年昆弔與交游屈指于今半土丘鏡裡不須憎白髮人
生難得雪盈頭

風雨

一番花事正徘徊懊恨連宵風雨催獨有市朝騎馬客不

知花落與花開

叔寶作桂枝贈里姪題以勗之

蘇氏蟾枝久未蕃秋風空老鵲鵲原家聲定見恢猶子祖
德應先發冢孫

盧嘉廉書至名字俱更賦此

素書遠至却徬徨拂拭開緘認八行不怪士琛訛一字由
來玉潤是盧郎

經顧學正名甫墓

當時杯酒奉餘歡春服初成共解顏此日劉伶墳上土白
楊蕭索水潺湲

大婚禮成二絕

朝來簫鼓動西隣
封誥初頒五色新
偶過庭前蒙喚問
低頭不敢答慈親

龍樓縹緲隔重陰
鳳詔新傳鼓瑟琴
漫說相如擅詞賦
眼前無處賣黃金

題孫叔達赤壁圖

三分古跡自千秋
十載江皋一夢收
但得瑤華題赤壁
不須戰地是黃州

戲答梁伯龍

樹猶如此我何堪
車殆窮途合解駟
盡說馬羣空冀北
休

論捷徑在終南

題杏花鸚鵡

不言桃李掩殘妝回首春風欲斷腸何物人前偏解語杏花
裏綠衣郎

清夜

不問秦笙與蜀琴每於清夜憶知音空傳錦字數行鴈獨
立月明千里心

無題二首

絕憐下里和陽春襍遯歌筵蹴舞塵子夜一聲風雨急朝
來愁殺擢船人

歌殘玉樹罷飛觴客散中庭月在廊送却伯勞東去後小
齋如水坐焚香

月夜

空門昨日學逃禪歸向長林倚病眠桐影滿堦塵蹟掃任
教明月向人圓

獨夜聞笛

池涵空影挂香濃子夜孤眠紙帳中不耐相思是明月能
催長笛賴秋風

食穀小鳥

接尾周周懸斷岸啣泥燕燕繞空梁何如小鳥忘機事任

意江南足稻梁

題美人彈箏篴圖

花老空閨獨損神
箏篴一曲惜餘春
當時若遇盧宗道
纖手應歸馬舍人

題美人彈琴圖

空談卓氏憶華年
浪說文姬識斷絃
何似風前貞女引
低昂一曲使人憐

酒次

尊前且看舞羅瑜
失路何須泣向隅
聞道大盈多照乘
不妨滄海有遺珠

紀夢

桂堂深處曲房開
絲帳籠香笑語催
二十年前酒酣事
夜闌忽向夢中來

題周兆通畫仕女

布荆不嫁待梁鴻
粉黛無勞妬入宮
滿眼花開與花落
年年惆悵立東風

餞兆通

握中明月奈時何
何必潯陽泣獨多
漫說周郎能顧曲
尊前耳熱是驪歌

送別

柳條弄色隱頽垣送別歸來獨掩門只恐江淹才易盡黯
然無賦述消魂

送徐懋昭還魯

一自移家作魯人還吳卽是異鄉身鄉心不及思家切回
首何須淚滿巾

鬪蟋蟀四首

遴選須空冀北羣拊髀何必憶將軍若教滄海遺明月虛
使平臺有陣雲

右選村

命將登壇處處同平章競擬奪標功寧知助叫爭觀日還
有英雄草莽中

右登塲

勝負紛紛轉眼閒
焚舟尚欲下兩關
澠池卽奮迴溪翼
不若當時不出山

右覆局

茫茫黑白少人知
未必淮陰卽見奇
直待濃霜彫落後
個中方識歲寒姿

右成將

中秋夜夢文基聖以高軒過我志喜

棘闥戰藝已愆期
誰謂燕臺老數奇
此夜高車忽相過
夢回知爾奪標時

戲贈

日午高唐夢始還
低回窻下理雙鬟
翠眉一展橫波動
帶雨和雲出遠山

梅影二首

荒園夜靜擁衾稠屋瓦霜凝宿靄收寒月一窻梅影亂夢
回身只在羅浮

空林春信幾枝斜寒勒纔開四五花不是望舒流素魄誰
傳清影到窻紗

首夏風雨忽作

四月清和成底事二陵風雨忽相催野人晝寢驚胡蝶急
語屏花且莫開

題燕

獨憐王謝舊風流花落空梁一握收最是春風腸欲斷烏

永巷口曲江頭

送客入京

君去鳴珂北闕前我惟支枕北窻眠
山人自得幽居樂君到京華莫浪傳

牡丹

沉香亭上管絃催一曲清平酒數迴
爲語司花好遮護莫教山下鹿銜來

桃花

空庭寂歷駐花神滿眼韶華別是春
莫恨成蹊都浪說世間原少問津人

芙蓉

不向春風鬪艷陽
獨堪池畔集衣裳
憑君檢閱秋江上
可有閒花敢拒霜

菊花

三徑幽深長綠苔
霜清籬落正花開
貧身未受郎官米
先讀淵明歸去來

紅梅

幾年冰雪老孤山
物外丰標隔世間
不是丹砂能換骨
誰令素質駐紅顏

題文太史畫鳥

賀監風流老鑑湖，殘山猶有夜啼烏。
裝潢一入南宮舫，應作滄溟照乘珠。

荔支

來從閩嶠幾經旬，陵寢應知未薦新。
却爲六宮傾粉黛，特教一騎走紅塵。

題陳子交畫玉蘭

連城聲價荆山玉，九畹芬芳楚澤蘭。
不是前身曾入夢，若爲詩思動毫端。

夫容魚虎

一行斜柳拂烟汀，水淨秋江花正明。
愛爾幽禽羽衣好，獨

嫌猶有羨魚情

種葵

身外浮名我何有眼前秋色自相宜也知肉食難消受不
爲清齋折露葵

梅

韶華多少洛陽城開落春風不計名管領歲寒誰得似到
頭猶可和調羹

午睡

水沉消鼎綠烟虛冰簟生涼午夢餘起坐片時調息罷枕
傍惟有一編書

基聖山庄鑿池得塔影有作和之

鴈塔朝流舍利光半空飛影入陂塘須知不是池中物會有題名在上方

感昔

欲破羈愁藉酒酣醒來滋味更難堪如今絕跡羈愁路宜醉宜醒一小卷

聞徐懋昭過水部姪徂徠官舍

魯門烟月憶曾過欲寄魚書奈遠何聞說子奇同載去知君白首向東阿

送里中少年入官

盛年釋褐試新袍百里爲官豈憚勞
自昔干將出吾里知君早已解操刀

題叔貽畫

荆花三樹正芬芳忽折連枝幾斷腸
此日幽窗披小幅恍然清夢到西堂

爲嶺南招光祿題歸去來圖

搖搖舟楫曙光開彭澤當年歸去來
君更不愁荒徑菊春風自有嶺頭梅

王山人君之客京爲水部姪塾師寄以二絕

傳經輦下近三冬想得風塵倦客容
莫恨于今無結襪當

年廷尉亦吾宗

西風孤館客衣單
落木蕭蕭易水寒
耳畔歌謠燕市酒
應聞明月滿長安

題美人惜花圖

空庭花事幾回新
桃李無言三十春
寄語蛾眉莫相妬
閑身不是入宮人

題蘆洲夜泊圖

澤國烟波別有天
敢論舟楫濟長川
許多風浪都經過
纔得蘆花一夜眠

席上贈美人

桃花扇底石榴裙我見猶憐况復君一笑低頭渾不語分
明爲雨復爲雲

上元集謝將軍宅贈月姬二首

華燈千點簇花神一笑嫣然四座春莫怪輕雲能掩月尊
前已借廣寒人

烟籠蟬鬢瀉流波醉殺狂生奈爾何試問人間與天上不
知若個是姮娥

清和十八日泛舟之文庄紀事四絕

幽期不負訪山隈勝集應知逸興催只恐憐庄疑看竹扁
舟特載主人來

右詠文長君自城入山同泛

信宿移尊故賞新
重來猶是醉鄉身
知君宅與青山近
不厭狂生乞酒頻

右詠吳次君一再携具

池館纔行酒數杯
美人沾醉赴陽臺
莫嫌易盡王猷興
猶勝山陰半道回

右詠王長君興盡促返

桂棹遲迴過虎丘
山塘客散雨全收
絕憐不下陳蕃榻
傍晚猶移范蠡舟

右詠徐長君不果留宿

題醉茶卷

旗槍葉葉摘春先
石鼎沙鐺手自煎
七碗定能除渴疾
不須中聖與中賢

次韻題文太史滄浪漁笛圖

夾岸蘆花雪作叢扁舟長笛弄秋風十年不向山陽過猶
自含酸小幅中

聽雨

朝來新水蒲池塘桐樹陰陰覆竹牀長日野人無一事北
窗聽雨坐焚香

送吳季入京

百金寶劔橐中裝千里秋風騁驕驕信是延陵吳季子觀
風應入五雲鄉

題海棠白練

蒲院新妝妬阿嬌風前逐隊舞紅綃中間獨有素衣女斜

插金釵顰翠翹

遲王君之自燕都南還

揚帆何日渡江東
短徑停雲思不窮
況有尊羹敵羊酪
可無王濟到吳中

小述荅林承熙

清泉白石碧琅玕
造物升沉一達觀
卽有安車下巖穴
蒲輪元不換蒲團

詠茶花

聖明不愛金莖露
玉府惟供陽羨茶
聞說求賢正如渴
可容百草占先花

寄遠二首

蓬窻客思可曾諳何但嵇康七不堪少日已知風景異試
從江北望江南

問訊征人欲到無數行猶自畏長途須知日遠長安近縹
緲金臺是帝都

王君之袁儀伯扶醉來宿小園

袁宏王湛興蕭疎扶醉來投草榻餘笑我擁衾多病態挑
燈猶閱數行書

有感

人間絲髮豈重玄漫閱丹經學永年千古只今誰不煎

侯辟穀鄴侯仙

猪日戲嘲公瑕

由来蛺蝶號翩翩飛入君家玳瑁筵怪殺陳蕃虛下榻獨
令張放作彭宣

再送兆通之魯門二首

遙憐獻壁後詞場重向朱門卽故鄉樓上元無人笑覽此
來朋足亦何傷

秋風作客敝貂裘淚盡驪珠尚暗投莫恨人情多按劒古
來勲業在焚舟

入春園梅放花雷雪交作

入春風雪雜轟雷懊恨周圍數樹梅果是開時便彫落且
教枝上不須開

春曉曲

花擁雕闌十二重紅樓不在宋家東蛾眉淡掃妝初洗金
釧依然護守宮

春夜曲

風飄花氣入羅幃不爲傷春減帶圍睡鴨香消死被冷驚
回殘夢是卽歸

暮春感懷

野花開遍又殘春買棹携尊好及晨待得向平婚嫁畢言

山應笑白頭人

詞

追和倪元鎮江南春

石湖水暖青蘆筍碧雲瑣溪巖扉靜一聲嬌出雙金梭緩
織遊絲透窻影睡花不怯苔茵冷桐樹陰輕覆丹井小樓
病酒朝不巾日高紙帳縈香塵東風顛輕帆急夾岸茆
簷燕泥濕往事悠悠已無及連天細浪傷心碧江山悵望
生淒色亂紅驚眼凭闌立江南春信如轉萍少年不樂空
營營

滿江紅

酒醒殘更枕屏底夜烟猶熱魂欲斷十年心事一簾寒月
短夢易回巫峽雨鬢絲無那潘郎雪料天涯此際小樓中
情淒切 乍七夕歡踪歇又早是重陽節便生年滿百勾
幾迴離別好事盡教愁裡過故情空滴心中血漫沉吟萬
轉復千迴終難說

浪淘沙

池上雨蕭蕭聲在芭蕉短檠無焰可憐宵殘夢喚回殘漏
永一枕無聊 門掩赤欄橋人比天遙離魂偏向暗中消
別後相思看鏡裡多在眉梢

風中柳

楊柳腰肢端的爲誰消瘦更那堪芳菲時候紅稀綠暗莫
教人回首應不比故園清晝添却新愁轉覺舊愁依舊
兩邊廂中分僂僂千金一刻知怎生消受捱多少夜長銀
漏

小迷調寄長相思帶山花子

得干休且干休萬事由天不自由百歲光陰與撚指半生
名利急回頭分封只作醉鄉侯得優游且優游身外浮
名晚更浮昨夜一番新雨過今朝六月作深秋不管炎涼
是白鷗

七夕風雨調寄如夢令

收拾穿鍼處處一夜蒲城風雨七夕作重陽顛倒九秋首
尾曉起曉起試看曲池新水

詠芭蕉調如夢令

窗外芭蕉如許管領一分寒暑分綠不多時又早蒲城風
雨問汝問汝覆鹿有無何處

如夢令

滿院桃花幾樹牆角海棠千縷正好鬪芳菲奈可妬花風
雨睡起睡起脉脉小窗無語

處實堂集卷之四

門墻沙磬錫時嘉校